

epistoli wobswědzene, hdyž tu wo naschim Sbožniku rěka: „kotryž njeje wschitke wězy se swojim móžnym słowom.“ Kaž swět njeje sam wot so, sam se sebje nastal, ale kaž je jón Wótz psches Ssyna stworil, tak tež swět sam wot so, sam se sebje njewobstawa, ale ma wschu móž swojeho wobstacza psches Božeho Ssyna, kaž je nam to tež w listce na Koloseskich (1, 16. 17.) tak swětle sjewjene: „Psches njeho je wschitko stworjene, sčtož na njebjěch a na semi je, to widomne a njewidomne, njech su tróny abo knjeistwa, abo fěrschczinstwa abo wyschnoscze: wschitko je psches njeho a jeho dla stworjene. A wón je prjedy wschitkich wězow, a wschitko we nim wobsteji.“ Tak tež my swoje wobstacze psches njeho mamy, tak wón tež naš nosy, — a to s kajej czichej luboscju, s kajej smilnej sczerpliwoscju: kaž na maczerymaj rukomaj wón naš nosy!

Alle njeryczi a njeswědzi pschecziwo Ssynowej wěcznosci to słowo nascheje epistole, hdžež Wótz Ssynnej praji: „Ty su mój Ssyn, dženša sym ja cze plodzil.“ Ach moji lubi, sčto dha je pola Boha „dženša“ abo „wczera“, pola teho Boha, psched kotrymž je tawšut lět jako jedyn džen? Pola Boha njeje žane wotměnenje czaša, ani žane pschiběranje ani žane wotběranje czaša. Czašej su podczisnjene a do mjesow czaša wobsanknjene jenož stworjenja, niz pak stworiczel; wón je Bóh wot wěcznosce hacž do wěcznosce. Hdyž teho dla weczny Bóh Wótz swojemu Ssynnej praji: „Dženša sym ja cze plodzil“, dha je s tym na Ssynowe wěczne plodjenje pokazane, na wěczne plodjenje Boha Ssyna, kiž, kaž sym sčtwórtu njedzeli adventa sebi rospominali, je a rěka „to wěczne žiwjenje, kotrež bě pola Boha a je so nam sjewiło.“ Duž dha hdže móhlo žane stworjenje Khrystušowe wěczne bójstwo powalicž a sanicžicž, abo hdže móhla žana czlowiska mudrosč někajki czašowy dypł postajicž, do kotrehož by tamne bójste „dženša“ słuschało? Tamne bójste „dženša“ dožaha psche wschón sapočatk najprěnjese, najstarscheje czašnosce, wono słuscha do njewuměnjeneje wěcznosce. A duž njeje ženje žadyn czaš byl, hdžež by žadyn Bóh Ssyn njebyl; wón je Bóh Ssyn wot wěcznosce do wěcznosce.

Wo bójstej krašnosci, wo bójskich skutkach, mjenach a wosebnosczach Božeho Ssyna, nascheho narodženeho Sbožnika,